

『東大寺要録』卷第4 諸院章第4 大和尚伝

勝宝六載甲午二月一日。至難波駅国師郷。僧崇道及大僧正行基弟子法義等。設供共■（余+刃）寒暄。三日至河内国守藤原魚名庁。大納言仲丸故遣賀藺光順慰勞衆僧。復有律師道璿。令弟子二僧來問許兼令二近事來■（身+弓）承。同日復有布衣高行僧志忠。賢璟。曉貴卅余人。行道讚歎。明發取大和国平涼駅宿。在道勅使催令入京。至平涼駅。略歇息少時入京。勅使遣安宿王世四品於南閭門慰勞衆僧。勅令請住於東大寺安置。有京城僧徒及官僚文者等。於南閭門相迎同送引東大寺。良弁僧都引至大仏前礼拝。良弁云。此是大帝太上天皇引天下人共結良縁鑄此金銅像坐高笏尺五十尺。又問唐中頻有如此大像。遺延慶詔語云無。更礼拝供養讚歎行道竟。相引至客堂住。勅使安慰。明旦即有大唐律師道璿來相問訊。後有婆羅門僧正菩提亦來參問云。某甲在唐崇福寺住經三日。闍梨在彼講律。闍梨識否。和上云憶得也。復有内道場僧五十人令相看。良弁僧都云一時礼拝。光祿大夫右僕射藤原豐成來相參。復有光祿大夫大納言藤原仲麻呂來相參。金紫光祿大夫式部卿藤原永手參礼。又移入官倉院。三月勅使朝臣真備參東大寺安尉衆僧。大德遠涉滄波來至此国。朕先造東大寺經十余年。於大仏西欲立戒壇。自有此心日夜不忘。今諸大德遠來冥契朕心。乃是朕之有感。自今已後授戒伝律一任大德。又勅令良弁。問和上在唐相共臨壇僧名此間有幾律師。和尚仍令僧法進附口録出唐中常共化法僧。普照。星静。思祐。義淨等。後經半月勅使良弁僧都及檢唐朝大德位名。和上位勅特贈。即大和上。法進。学生普照。延慶。星静。法顯。思祐。義淨。又令佐伯今毛人出贈位絹廿匹。絁廿匹。大布卅端。細布一百屯。用施和上。余僧各減半。從仁幹已下興半位物又減半。和上衆僧並合掌。頻勞主上憂當客人。時有大安寺唐律師道璿。問得來由。乃作讚詞慶賀大和上。其年四月初勅於盧舍那仏前立壇。為沙弥証修等四百卅余人受戒。後有内道場興行僧神栄行潜等五十五人重受大小乘戒。至勝宝七歲於盧舍那仏前為沙弥受戒。後有实行僧志忠。靈福。賢璟。善頂。道緑等八十余人。遠起臥具進隆和光之族類者。來云受具足戒。〈已上〉